



Evidencijski broj JN: TD-08-14/26

Sarajevo, 31-07-2026. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14, 59/22 i 50/24), člana 47. Statuta KJKP "Sarajevogas" d.o.o. Sarajevo, a na prijedlog Komisije za provođenje postupaka javnih nabavku roba, usluga i radova, **donosi se:**

O D L U K A

o izboru najpovoljnijeg ponuđača

I

Za najpovoljnijeg ponuđača za javnu nabavku: „Građevinsko zanatski radovi na rekonstrukciji postojećih objekata“, po provedenom otvorenom postupku javne nabavke izabran je sljedeći ponuđač:

Jobing d.o.o.

sa ukupnom cijenom **85.000,00 KM** (slovima: osamdesetpethiljadakonvertibilnihmaraka) bez uračunatog PDV-a.

II

Odluka o izboru najpovoljnijeg ponuđača objavit će se na web stranici www.sarajevogas.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka pokrenutog na osnovu Odluke Direktora broj: 0803-03-2127/26 od 16.06.2026. godine.

Procijenjena vrijednost javne nabavke bez uračunatog PDV-a je: 150.000,00 KM (slovima: jednastotinapedesethiljada konvertibilnihmaraka).

Obavještenje o javnoj nabavci broj: 17-1-3-76-3-69/26 od 16.06.2026. godine, objavljeno je na Portalu javnih nabavki BiH.

Komisija za provođenje postupaka javnih nabavki roba, usluga i radova imenovana je Odlukom Direktora broj: 0801-03-2126/26 od 16.06.2026.

U predmetnom postupku utvrđeno je da je Komisija za provođenje postupaka javnih nabavki blagovremeno i pravilno izvršila otvaranje pristiglih ponuda i ocjene obje ponude, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda Komisije za provođenje postupaka javnih nabavki je vidljivo da je do krajnjeg roka za prijem ponuda, zaprimljene ponude sljedećih ponuđača:

Redni broj	Naziv ponuđača/Grupe ponuđača
1.	Bruderherz & Co d.o.o.
2.	Euromont d.o.o.
3.	TESLALUKS d.o.o.
4.	Jobing d.o.o.
5.	STIM d.o.o.

Zapisnik sa otvaranja ponuda je isti dan svim ponuđačima poslan elektronskom poštom.

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 13.07.2026. godine radi pregleda i ocjene prispjelih ponuda, te je konstatovala sljedeće:



Nakon izvršenog otvaranja ponuda Komisija je pristupila analizi dokumentacije iz pristiglih ponuda u smislu provjere validnosti istih, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom i podzakonskim aktima, te je Komisija konstatovala da su ponude ponuđača **Euromont d.o.o.**, **TESLALUKS d.o.o.**, **Jobing d.o.o.** i **STIM d.o.o.** prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, tehničke i profesionalne sposobnosti) zahtjevano u tenderskoj dokumentaciji.

Ponuda ponuđača **Bruderherz & Co d.o.o.** ocijenjena je kao nepravilna iz razloga što je ponuđač u svojoj ponudi na stranama 22. do 27. dostavio nevažeća Uvjerjenja o obuci zaposlenika iz oblasti zaštite od požara i zaštite na radu (starija od 2. godine). Tenderskom dokumentacijom tačkom 7.4. Tehnička i profesionalna sposobnost za DOKAZ ZA c): Ponuđač je dužan dostaviti kopije važećih potvrda za najmanje 5 (pet) radnika o završenom kursu zaštite na radu i zaštite od požara koje moraju biti ovjerene kod nadležnog organa (organ uprave ili notar). Dokument 5. – propisano je da potvrde moraju biti važeće.

Prema Zakonu o zaštiti od požara i vatrogastvu, Službene novine Federacije BiH, broj 64/09, Stručno osposobljavanje i usavršavanje zaposlenih lica za zaštitu od požara Član 128. jasno stoji: Pored obuke iz stava 1. ovog člana, obavezno je najmanje jednom u dvije godine izvršiti obuku i provjeru znanja iz oblasti zaštite od požara svih zaposlenih lica prema posebnom programu obuke iz stava 6. ovog člana.

U skladu sa naprijed navdenim ponuda ponuđača Bruderherz & Co d.o.o. se kao takva nije mogla uzeti u dalje razmatranje.

Ugovorni organ je predvidio provođenje e-aukcije u postupku javne nabavke „Građevinsko zanatski radovi na rekonstrukciji postojećih objekata” broj TD-08-14/26, a imajući u vidu činjenicu da je predmetnom postupku javne nabavke četiri ponuđača dostavili prihvatljive ponude, Komisija je zakazala održavanje e-aukcije za 22.07.2026. godine u 12:00 sati, u predviđenom trajanju od 10 minuta.

Ugovorni organ je od Agencije za javne nabavke zaprimio Izvještaj o uspješno održanoj e-aukciji, koju dostavljamo u prilogu i shodno kojom je ponuđač Jobing d.o.o. ponudio najnižu cijenu koja iznosi: **85.000,00 KM** (slovima: osamdesetpethiljadakonvertibilnihmaraka) bez uračunatog PDV-a.

Rangiranje prihvatljivih ponuda prema kriteriju za izbor ponude (najniža cijena), nakon provedene e-aukcije je kako sledi:

Rang lista ponuđača u skladu kriterijem "najniža cijena" nakon provedene e-aukcije			
R.b. na rang listi	Naziv ponuđača	Ponuđena cijena prije e-aukcije u KM bez PDV-a	Ponuđena cijena u KM bez PDV-a nakon provođenja e-aukcije
1.	Jobing d.o.o.	149.879,81	85.000,00
2.	TESLALUKS d.o.o.	149.992,50	87.912,00
3.	STIM d.o.o.	149.771,56	110.000,00
4.	Euromont d.o.o.	149.995,39	130.205,39

Komisija za provođenje postupaka javnih nabavki roba, usluga i radova jednoglasno je predložila Direktor u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača **Jobing d.o.o.** čija je ponuda u predmetnom postupku javne nabavke Građevinsko zanatski radovi na rekonstrukciji postojećih objekata ocijenjena kao najpovoljnija, na osnovu kriterija „najniža cijena“, u ukupnom iznosu ponude od **85.000,00 KM** (slovima: osamdesetpethiljadakonvertibilnihmaraka) bez uračunatog PDV-a, te da se ponuđaču **Jobing d.o.o.** *dodijeli Ugovor.*



U postupku ocjene provedenog postupka Direktor nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije provođenje postupaka javnih nabavki. Naime, u postupku je ocijenjeno da je Komisija u svemu pravilno postupila te da je preporuka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem Ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, 08-16-1-5148-2/24 od 27.8.2024. godine.

KJKP "Sarajevogas" d.o.o. Sarajevo

Direktor

Hasan Tihic

Broj protokola: 0801-03-2670/26

DOSTAVITI:

- Ponuđačima,
- Nadležnoj Službi i
- a/a.

